

玄覽堂叢書

第三冊



裔乘南夷卷之二



閩漳浦楊一葵翹卿父著

安南

安南即堯典所謂羲叔居南交者也秦時置桂林南海象郡以處所徙民與越雜處後為趙佗所據漢高帝遣陸賈封為南越王使和輯百越毋擾邊呂后時佗號南武帝發兵攻長沙邊閩越西甌皆役屬焉東西萬餘里乃乘黃屋左纛

稱制與中國侔文帝即位復遣陸賈往諭之侏
恐乃謝去帝制黃屋左纛復書稱蠻夷大長老
夫臣侏向其居國竊號如故武帝初侏薨孫胡
嗣胡薨子嬰齊嗣王嬰齊薨子興嗣興太后即
卽卽膠氏女也內行不修國人不附太后欲倚
漢立威上書請比內諸侯三年一朝除邊關武
帝許之而丞相呂嘉不欲內屬遂發兵反攻殺
太后王及漢使者終軍等而立嬰齊子建德為

王漢遣路博德楊僕等四道兵出擊擒之南越
平遂以其地為儋耳珠崖南海蒼梧鬱林合浦
交趾九真日南九郡而儋耳珠崖二郡在海中
元帝時從賈捐之議罷二郡諸郡雖屬中國而
言語各異習俗頗惡男女同川而浴後徙中國
罪人使雜居其間乃稍知言語漸見禮化光武
中興錫光任交趾任延守九真教民耕種嫁娶
制為冠履建立學校於是嶺南有華風焉建武

中交趾女子徵側徵貳反甚雄勇九郡諸蠻皆
應之畧六十五城自立為王馬援討平之建安
初改為交州桓靈以後蠻獠又據象郡象林縣
遂為林國邑馬魏晉宋齊為州陳改為郡隋廢
置州煬帝復置郡唐改交州總管府俄復改安
南都護府至五代時土豪曲承美據之初唐末
有封州刺史劉隱有功于嶺南朱梁朱梁封為
南海王隱卒弟襲立多智畧悉平嶺南諸州遂

即皇帝位國號漢頃之遣兵攻交州擒曲承美
襲卒三傳至鋹交州大亂驩州丁璉舉兵擊破
之鋹授璉交州刺史號大勝王宋太祖興諭鋹
使稱臣不從遂擊之鋹降封息赦侯初丁璉內
附封為交趾郡王自是交趾代稱王矣璉死弟
璿嗣年尚幼大將黎桓擅權劫遷璿於別第代
總其衆太宗遣將孫全興等討之不克而桓亦
時遣使入貢遂封為交趾郡王桓死子龍捷殺

兄龍鉞而自立苛雲不法國人不附李公蘊遂
殺龍挺自稱留後遣使奉貢黎恒公蘊雖相繼
叛逆然不敢大與中國抗而中國亦以蠻俗不
足責因封公蘊襲王號如故蘊卒數傳至乾德
彛聽偏校言以為安南可取大治戈船絕交人
來互市者於是乾德大舉入寇連陷欽連邕三
州屠其民五萬餘神宗怒遣將郭逵趙高等大
破之乾德懼遂奉表乞再修職貢還所奪州縣

尋約歸三州官吏千人久之方送民二百二十
一口男子皆刺額年十五以上刺曰天子兵二
十以上曰投南朝婦人刺左手曰官客悉載以
舟而泥其戶牖中設燈燭日行三十里則止而
偽作更鼓凡數月乃至蓋以示海道之遠也其
狡黠如是自是朝貢不絕乾德卒凡五傳而吳
昫立吳昫卒無子以女昭聖主國事而其壻陳
日煚遂盡有其地矣元時遣將兀良哈台攻諸

安南卷之二
四
夷之未附者先遣二使往諭交趾陳日熒縛二
使者禁諸獄中元大怒遣將徹徹都等分道進
兵討之日熒敗走海濱遂歸附元元封其丁光
昺為交趾郡王終元世貢獻不絕我朝洪武
元年遣漢陽知府易濟頒詔安南明年國王
陳日熒遣使來朝貢請封上命侍讀學士張
以寧典簿牛諒齋詔封日熒為安南國王給
鍍金銀印至安南界日熒卒侄日熒嗣請授

詔印以寧拒之吾受命封先王何以得擅予若
日燧乃遣陪臣杜舜卿等來請而以寧留安南
侯命教安南人行三年喪及拜謁等儀上
聞之大喜賜詩獎以寧明年舜卿至上自
製祭文遣編脩王濂吏主事林唐臣往封日燧
拜詔甚恭未幾陪臣陳叔明殺日燧明老弟
熾代已而熾攻占城敗死弟熾代先是上常
戒安南占城毋相攻至是復諭之叔明表謝

歲遣人來貢 上令三年一貢毋侈方物進犀
象以勞吾民二十一年國相黎季犁遂大誅殺
陳氏更姓名曰胡一元子蒼曰胡奩僭號紀元
國曰大虞永樂元年表言陳氏世絕奩為陳甥
求署國事從之已真封為王會陳氏故臣裴栢
者走闕下乞師而老樞亦傳送故王孫陳天平
來朝安南使者見天平多泣下 詔詰季犁季
犁詭請迎天平歸還以國命廣西都督黃中呂

殺前大理卿薛崑等率兵五千送之至入境季
犁遣黃晦卿等迎候禮甚恭具牛酒犒師中等
不為虞行至芹站伏發殺天平薛崑亦遇害中
等引還 上大怒四年以成國公朱能為征夷
將軍率新城侯張輔西平侯沐晟等二十五將
軍出廣西雲南兩道討之而以尚書劉儁督師
上幸龍江誓師能行至龍州卒 上命輔盡護
諸將兵代能輔等進破隘留雞陵等閔傳檄數

安南 南卷之二 六
季犁罪二十師次新福縣晟亦自雲南至白鶴
江遣人與輔會是時安南恃宣洮富良諸江為
固緣江北岸樹柵更築土城城柵相連亘九百
餘里各禦甚嚴輔下令軍中先登者賞不次於
是將士踊躍期夜襲城以舉火鳴角為號四鼓
都督黃中等銜枚舁攻具越重濠薄城下都指
揮蔡福先登衆繼之火舉角鳴安南兵倉皇矢
石不得發皆散走師悉入城賊驅象巷戰遊擊

將軍朱廣益獅象馬以神機銃翼而前象奔賊
大潰亂殺其帥梁民獻祭伯樂等追至傘圓山
死者不可勝計進克東西都賊焚城遁連戰萬
劫江木九江悶海口皆大破之前後斬首四萬
餘級溺水死者無筭諸郡邑相繼來降輔徧宣
上意令安業窮追季犁父子於竒羅海口都督
柳升以舟師至悉擒之安南平得戶三百一十
二萬象馬牛羊舟糧器械甚衆捷聞 詔求陳

氏後無有者乃郡縣其地置交趾布按都使司
一府十七州四十七縣一百五十七衛十一所
三市船司一以尚書黃福兼布按二司事勅輔
成求交趾有行能學藝者以聞輔等班師論功
進輔英國公晟黔國公升安遠伯其餘各陞賞
有差時永樂六年七月也八月交人簡定鄧悉
反晟討之失利 命輔往擒簡定磔于京簡定
既死踰年而季擴復叛稱大越皇帝季擴者即

簡定之從子自言我陳氏後請立不許請降許
之以為交趾右布政使輔歸復反復遣輔往轉
戰連年始獲之自輔之下交南凡三獲為主威
震西南夷中遂留鎮其地而尚書福有威惠交
人懷之弭伏莫敢動十五年召輔還以豐城侯
李彬代久之福亦歸尚書陳洽代時中官馬騏
墨而殘交人怨之三年之間叛者四五起彬俱
討敗之而黎利連結老撾縱橫出沒彬不能制

詔以為清化知府利不赴官而攻劫日甚破茶
籠州諒山府守臣琴彭易先死之洽力言利詐
宜亟誅而中官山壽力主撫諸將陳智方政復
不相能彼此牽製師遂敗事聞 章呈帝命成
山侯王通往通戰寧橋大敗尚書洽死之已復
戰交趾城下賊敗諸將欲乘勝蹙之通不從賊
乃益聚衆攻掠昌江守將李任福日夜拒戰焚
其攻具賊益起土山以飛鎗射城中任福率敢

先士夜開門殺守土山者襲破其營賊為地道
入鑿橫溝應之從溝中發石擊殺賊無數賊益
攻圍不休相拒九閱月城中力竭將士死已及
半城遂陷任福自刎死中官馮智指揮劉順知
府劉子輔俱自經死宣德初年上遣安遠侯升
黔國公晟分道往援以尚書李慶督師至隘留
關利具書遣人詣軍門乞罷兵立陳氏後升不
啟封遣人奏聞時利於官軍所經處列柵拒守

升等連破之直抵鎮夷關心易敵前至倒馬坡
獨與百數十騎先馳渡橋橋壞後隊不得進賊
伏兵四起升中鏢死慶及副總兵梁銘相繼病
沒參將崔聚被執時尚書福在行交人得福環
跪泣曰公在我曹不至此兢送之歸而晟兵竟
不出成山侯通懼大賂遺利與盟而旋師群臣
劾通并驥下 詔獄論死通後竟脫利表言前
國王遺嗣高令在老撾請嗣封 上集大臣議

英國公張輔尚書蹇義夏原吉皆言交南本中國地勞苦而得之不宜隳成功示賊弱大學士楊士竒楊榮言兵興以來天下無寧歲且求立陳後者太宗皇帝心也求之不得而後郡縣叛亂相尋至深厓先帝憂令因其請撫而建之以息吾民於計大便漢弃珠崖前史榮之安在為示弱乎時上亦厭兵從士竒榮言命禮部侍郎李琦工部侍郎羅汝敬齋詔徹回

安南文武吏士并覈陳氏後當立者利遣使送
還官吏百五十七人戍卒萬五千一百七十人
馬千二百匹其陷沒不得歸者無筭且言高死
陳氏種絕上心知其妄然業置之乃詔利
權置安南國事而利已改元稱帝矣利死子麟
代正統初以麟事朝廷恭詔封為安南國
王諭令還所侵欽州地及逋民二百余戶麟
卒子濬嗣遣兵攻占城執其王摩訶賁該濬旋

為庶兄琮所弑弟灝嗣輒侵我土司地攻殺老
搆宣慰使已復攻占城併其國中官錢能鎮雲
南復私與灝通闌結諸夷姦究繹騷幾危雲南
巡撫王恕發其姦亂乃弭弘治十年灝死子暉
嗣使者入貢乞改所賜常服從王制不許十七
年暉卒弟誼嗣阮种弑之立灝庶子暘暘孱甚
群小擅政盜起國亂正德十一年陳暘弑暘自
立偽武川伯莫登庸逐暘立暘兄子諛專其國

高奔據諒山死諛為登庸所迫奔清化登庸遂
竊安南國號大越王其子方瀛而自稱太上皇
諛竟憤悒死故臣共立諛子寧居木州漆馬江
倚老樞為援登庸屢遣兵攻之不能克嘉靖十
六年寧遣使鄭惟僚來乞師上以登庸弒逆
久不庭遣咸寧侯仇鸞尚書毛伯溫等討之
伯溫等至交趾與諸將經畫既定兵衆漸集馳
檄交人懸重賞購登庸父子懼請束身待

罪歸欽州四峒故地世世奉職貢乃率其屬繫
頸徒跣北面匍匐上表降伯溫等以聞詔赦
登庸歸廢勿王以為安南都統使世其職從二
品別給銀印仍覈黎寧果黎後則畀以所據四
府境土否則已制下登庸已死其子方瀛亦死
伯溫疏請授其孫福海詔從之二十六年福
海死子宏漢嗣萬曆間莫茂洽為都統使茂洽
死國大亂數年鄭惟憭子鄭檢立黎維邦為主

維邦黎暉後也維邦死子維潭嗣盡逐莫氏遺孽莫敬用竄居高平府敬璋敬恭竄居東海府保樂州未幾敬璋為黎兵所殺維潭遣使浮海詣督臣請款關輸貢因與約必以高平居莫氏如黎氏漆馬江故事維潭心難之遂不款頃之復自言其恢復之義歸附之城但高平乃其故土莫氏篡臣不宜以漆馬江為比守臣謂莫氏先世雖篡逆今日乃國家外臣也尔安得滅

之且彼此分定誰敢党亂以遺尔憂于尔何不
利焉而愛此尺寸之地維潭乃許二十四年夏
四月受其降督臣陳大科疏聞言莫之筭黎其
事逆先朝猶赦其愆黎之復讎其名正今日宜
許其順 下兵部議如大科言 詔以維潭為
都統使予莫敬用以高平令維潭毋得侵害安
南復定其地東至海西至老撾南接占城北連
思明衡二千八百里縱一千七百里夷僚雜居

獮悍喜鬪其君長无狡儻自黎氏以來雖奉貢
稱藩然自帝其國中如趙佗時其俗交爰人個
儻好謀驩演人淳秀好學一年三稻一歲八蚕

地多魚塩之利其山川佛跡勾漏傘圓安護艾

山上有仙艾春開花漂落至水龍門江魚色綠

紅能化龍其產金珠珊瑚玳瑁丹砂蘇合油鷄舌香

可口含不入衣服都梁香烏木蘇木浮沉藤藟子藤人

子藤千歲子菴羅石栗生山石鑄中花九層皮

開三年方結實

脫去九層方見
肉其味類栗

訶羅勒

皮肉相着交
愛州者佳

楓樹子古

度樹木綿樹榲木樹

皮中有屑如
白米可食

莎樹由梧竹

長三四丈
圍三尺

如何

九百年一實形
如棗長五尺

赤絮

膝也蟻子鹽

醢

溪洞人收蟻
為醬甚珍貴之

象牙簞

抽牙絲織成者
猩猩佛佛

長臂黑身被
髮見人則笑

白鹿白雉犀角兕
羴羊角翡翠蝮

蛇大蜈蚣

皮可鞞鼓肉白
如齏暴為醢

紅飛鼠

茸毛肉翼每
雌雄伏花蕉

間得一則
其一去

辟寒犀

色黃如金

辟珠

能銜銅鉄竹木
不損謂之聖鉄

外史氏曰安南自趙陀以來世為藩臣漢武盡

取其地列為郡縣至疆盛矣微側以一女子傾
動諸蠻幾搖九郡迨至五代以還叛逆相尋豈
非地廣而難制俗黠而易爭哉我朝神聖迭
興睿謨獨運既夷而復棄之舍所已有之利而
不以遠方動我中國迄今海有安瀾村無吠犬
夫非不貪小利之明驗哉若乃奸闖喜事遂至
生心倘非劉忠宣之主持不幾啟邊釁乎嗚呼
忠臣謀國其慮遠矣

占城

占城古越裳氏漢象林後為林邑唐為環王宋
元以來為占城周成王時越裳氏重九譯而獻
白雉以後罕通及漢定南越之後為象林縣屬
交趾者數百年漢末大亂縣人區連殺其令自
稱林邑王世相承其後王無嗣外孫范椎代立
椎死子逸嗣逸死文篡立文初為日南夷帥范
幼家奴嘗牧牛山澗得二鱧魚化為鐵因以鑄

刀乃成文向石呪曰若斫石破者當王此國因
斫石如斷芻藁文私心自喜范幼嘗使之商于
林邑因教林邑王作宮室及兵車器械王寵任
之後乃譖王諸子各奔他國及王死無嗣遂脅
國人自立後稍攻破旁國并有衆四五萬又陷
日南襲九真勢漸強盛文苑子佛立晉日南太
守灌邃帥兵討之佛降其後五傳而至文敷為
扶南王子當根純所殺大臣諸農平其亂自立

為王諸農死子陽邁立宋初遣使貢獻封為林
邑王陽邁死子咄立雖貢獻如常而寇盜不已
文帝遣宗慤蕭景憲等伐之破其城乘勝克林
邑咄遁所獲珍寶皆異物又銷其金人得黃金
數十萬斤隋文帝既平陳天下無事群臣言林
邑多竒寶於是遣將劉方等擊之林邑王梵志
率衆乘巨象而戰方軍失利乃多掘小坑與戰
佯北梵志逐之其象陷軍大亂王棄城走獲其

廟主十八枚皆鑄金為之蓋其有國十八葉矣
故地遂空梵志收合遺人別建國邑更名環王
唐觀初王頭黎獻馴象鏐鎖五色帶朝霞大火
珠頗背謾赦不問又獻五色鸚鵡詔卻之頭黎
死子鎮龍立獻通天犀後鎮龍為其臣下所殺
大臣共立頭黎女為王諸葛地頭黎之姑子也
既而以女王不能定國復共迎諸葛地為王妻
以女天寶中獻火環大如鷄子狀如水晶正午

時以艾藉珠輒火出云得之羅刹國者自後罕
通周顯德中占城遣使來獻有通犀帶菩薩石
又有薔薇水灑衣經歲香不散猛火油浣水愈
熾國人用以水戰終宋世朝貢不絕其地與交
趾常為所攻每以討交趾為請宋俱不許淳熙
間占城以舟師襲破真臘慶元以來真臘大舉
入占城俘其主勦殺幾無噍類更立真臘人為
王元至元中遣右丞唆都即其地立省以撫安

之既而王太子補的專國常拘執元之使暹國
及馬八兒國之經占城者於是占城行省遣將
陳仲達劉金等率國王孛由補刺者吾逃入大
州西北鴉候山元兵攻大州王陰聚兵三萬餘
遣使往交趾真臘闍婆等國借兵期與元兵交
戰而陽遣其舅宝脫秃花等詣行省獻方物乞
降行省覘知之遂遣百戶張顥等往攻鴉候山
山故險隘不能進占城人旁出截歸路顥等不

利而還頃之江淮省遣萬戶忽都虎等至占城
助唆都見已班師令百戶陳奎招之王遂奉表
歸款元自是亦不復加兵焉我朝洪武二年
遣吳用顏宗魯楊載等使占城爪哇日本等國
賜玉璽書于是遣使朝貢詔遣使者往封阿
荅阿者為占城國王未幾占城與安南相攻
命編修羅復仁主事張福諭之二國皆聽命羅
兵四年占城復遣使奉金葉朝貢言安南數侵

境乞賜兵器樂人使安南知我乃教所及之地不敢欺凌 詔諭兵器不爾吝但不可以安南故賜爾使有助汝名樂器有聲律夷不能通曉中國人不可遣遣爾國人能習華音者來習樂十六年遣子賀 聖節 賜勘合文冊二十四年使至以臣弒君故絕之永樂四年 勅王占巴的賴得黎賊父子及其黨惡即械送京時尚書陳洽在南交軍中馳奏占城王占巴的賴

奉命討安南陰懷二心愆期不進又肆掠化
州以金帛戰象資季擴季擴亦以黎蒼女遺之
復約季擴舅陳翁挺等三萬餘人侵升華府隸
四州十一縣地請發兵討之上以交趾初平
不歆窮兵遠夷遣使諭王歸我侵地命三
年一貢正統六年國人請封其嗣王成化中遣
使冊封弘治中遣使來告安南侵據狀乞命官
往正其罪上歆從之徐溥等言春秋王者不

治夷狄今若遣使往至安南彼小必掩過飾非
大必執迷抗命置之損威擊之貽患尤大宜勿
聽乃止自是以後朝貢如故正德以來奉約束
惟謹之其國南距真臘西距交趾東北際海自
閩長樂五虎門西南行順風可十日至自廣州
發舟順風可八日至俗犷悍敢戰尚釋教焚衣
祭天地殺牛祭鬼驅象逐邪粒食亦鮮食王冠
三山金花玲瓏冠衣白跣足乘象或黃牯車每

侍朝以美女三十人侍從官屬皆膜拜臣芟葉
冠男蓬頭女後椎結民衣紫衣衣玄黃者罪至
死出入乘象馬所居茅茨不得過三尺市用金
銀性好潔日三五浴以腦麝塗躰以諸香熏衣
地不產茶惟以栴榔止渴釀酒甕中俟熟賓主
繞甕坐而啣且啣且注水味盡而止文書用羊
皮及黑木皮無閏月晝夜各分五十刻其刑罪
輕者以四人拽伏於地藤杖鞭之當死者以繩

係于樹用梭槍齊喉而殊其首犯姦者男女各
入一牛以贖罪負國王物者以繩拘於荒塘物
充而後出之王當賀日沐人膽汁將領獻人膽
為賀第不用中國人膽傳云往年有用華人一
膽者是日一甕之膽皆腐王即病死故戒之云
王在位三十年即令子姪揖自入山茹素籲天
誓曰我不道當充虎狼食或病死期年無恙復
入為王若民入山為虎所噬或舟行被鱷魚之

厄其家訴於王王命國師作法誦呪書符投名
死所虎魚即自投赴請命殺之若訟曲直難辯
者令過鯉魚潭曲者魚出食之國中人非日午
不起非夜半不眠有婦人號屍致魚者目無瞳
夜飛頭入人家食小兒穢氣頭返合體如故失
其體不得合則死矣昔漢武時因墀國使者云
南方有解形之民能使頭飛南海左右手飛東
西海至莫頭還肩上手遇疾風飄于海外即

此也山有金山

山石皆赤其中產金夜則出飛狀如焚火

不勞山

犯

則送此山令自死

地產奇南香吉貝野牛海枣

實大如瓜五年

一寶觀音竹千步草

佩之香聞千步

婦人魚

狀如婦人形髮皆具出沒

波中東海亦有之

海鏡

如蚌中有紅蟹子小如海鏡飢則蟹出拾食蟹飽歸腹則海鏡

亦飽寶母

狀如美石每月望夜以置海邊可集諸宝

澄水珠

餘不悉數此其最奇

者耳

外史氏曰越裳氏重九譯而來朝稱萬里云奴文以牧豎崛起卒平諸國而偃然南面豈非天

我其後雖已易姓而疆土無恙世稱外臣帖然
不敢與中國爭亦其分量然矣記稱其俗王在
位三十年輒入山受戒悔罪自斫夫夷狄固亦
有人心哉

扶南者其元有女人為王號曰初童

年少狂徒裸體披髮不制衣裳其南有微國

先神奇字流漢夢神賜之方來貴人船入海濕

其衣即詣廟下神樹下得方使依夢乘船入

海國其人最是無主欲取之

觀者竹千步草

海中之有婦人魚

海中東海

海鏡

如蚌中有紅腹子

有人亦非

如美石每易望夜

澄水珠

此其

野三十羊牌入山受東鄰罪自必夫夷外固亦

不氣與申禮軍亦其必畫於夫臨錄其於王外

弄其勢雖也焉致而歸臣無儀昔辭於司神

真臘

真臘本扶南屬國漢武帝時獻萬年蛤夜光珠
後遂絕不相聞至隋始復通中國唐初真臘王
質多斯那扶南者其先有女人為王號曰柳葉
年少壯健裸體披髮不制衣裳其南有徼國事
鬼神者字混溟夢神賜之弓乘賈人船入海混
溟晨起即詣庙于神樹下得弓便依夢乘船入
海至扶南外邑柳葉人衆見船至欲取之混溟

即張弓射其船穿度二面矢及侍者柳葉大惧
舉衆降混滇乃教柳葉穿布貫頭形不復露遂
治其國納柳葉為妻生子分王七邑其後王混
盤况以詐力間諸邑令相疑阻因舉兵攻併之
乃遣子孫衆分治諸邑號曰小王盤况年九十
餘死立中子盤盤以國事委其大將范蔓盤盤
死國人舉蔓為王蔓勇健有權畧復以兵威攻
伐取旁國自號扶南大王乃作大船窮漲海攻

滅旁十餘國開地五六千里後為其弟子旃蓐
立蔓死時有乳下兒名長在民間至年二十乃
結國中壯士襲殺旃大將范尋又殺長而自立
吳時遣中郎康泰宣化從事朱應出使其國國
人猶裸惟婦人着貫頭泰應謂曰國中實佳但
人褻露可怪耳尋始令國中男子着橫幅大家
截錦為之貧者用布晉武帝穆帝時俱遣使來
貢其後王儁陳如本天竺婆羅門也有神語曰

應王扶南憍陳如心悅南至扶南舉國欣戴迎而立焉復改制度用天竺法憍陳如死其後王梁書具載有世次名號歷宋齊梁朝貢不絕梁大同初遣使獻生犀又言其國有佛髮長一丈二尺詔遣沙門釋雲寶隨使往迎之其髮青紺色以手伸之隨手長短放之則旋屈為蠶形按僧伽經云佛髮青而細從如藕莖絲伏三昧經云我昔在宮沐頭以尺量髮長一丈二尺放已

右旋還成螽文則是真為佻髮也頃之其國有人持一碧玻璃鏡來貿易者鏡廣一尺五寸重四十斤內外皎潔置五色物于其上向明視之不見其質問其價約錢百萬貫舉國不識莫有酬其價者以示杰公杰公曰是上界之寶也當為國王及大臣所藏爾胡客何由得之必竊盜至此胡人逡巡不能對俄而其國遣使追訪果如所言隋時其王姓古龍遣使貢獻唐貞觀中

貢白頭國二人素首白身如凝脂然未幾真臘
滅之據有其地扶南遂亡真臘自武德至聖曆
間凡四來朝至神龍中分為水陸二國大曆中
其副王婆彌及妻來朝獻馴象擢婆羅試殿中
監賜名賓漢是時德宗初即位悉縱珍禽竒獸
畜蠻夷所獻馴象苑中元和中水真臘亦遣使
來貢宋政和至紹興通中國如故于是封其王
與占城等淳熙間占城襲破其國後十餘年真

臘人大舉入占城更立真臘人為王於是占城
遂為真臘屬國矣我朝洪武六年國王忽兒
那遣使獻方物賜大統曆文綺自後朝貢不絕
其國王夜卧一金塔上有九頭蛇精化女身與
國王同榻二鼓方去若此精一夜不見則王死
期至矣若王一夜不往亦必獲禍又有儒釋道
三種呼儒為班詰於頂上以白線挂之呼道為
八思其國中道教少亦不甚尊呼僧為苾芻始其

教最盛民家養女至八九歲必命僧去其童身
名曰陣毯刑無絞斬無牢獄重罪則坑之次則
斲手足耳鼻次則罰金而已其土地靈人多術
法如辯盜真偽置其手油鍋中直為盜者手即
腐爛否則皮肉如故又辯訟曲直令兩家各坐
一小石塔三四日其理曲者必獲證候理直者
無恙謂之天獄婦多淫國多兩形人每日十數
成群行于墟場間常有招來唐人之意人死則

擲野曠中鷹犬來食頃刻而盡則謂父母有福
否則謂之惡報其後乃有焚者以五香木舉火
以金銀盆盛之貯之水中貧者乃用瓦男女椎
髻以去髮為服制國王仍用塔塋交易皆婦人
唐商人到彼必先納一婦其見唐人亦頗加敬
爰呼曰佛云其國地無霜雪自四月至九月日
夕皆兩水高十丈巨樹尽沒民移入山居至十
月不雨民乃復還耕種王三日一朝坐五香七

寶床上施寶帳以文木為竿象牙金鈿為壁其
冠履服制大都盡華飾也民俗亦侈靡以錦圍
身故諺云富貴真臘官名與占城同與參半朱
江二國和親而材邑阇陌二國數與爭戰國人
行止皆持甲杖王初立時凡至戚兄弟皆刑殘
之令不得仕進番殺漢人即償其死漢殺番人
罰金而已其載在周達觀風土記及通輿異域
志諸書甚詳其地南際海西接蒲甘南連加囉

希北抵占城其鄰有西棚國天隅有一竅極明

土人稱為天門云其山川陵伽鉢羅山其產嘉

果建同魚也鼻如象吸水上浮胡魚也形如大

魚望之如山每五六月中毒氣流行即風母

打以死得風即活惟以菖蒲塞其却塵獸其皮不

名臭則死金顏香香乃樹脂有黃白黑三色毗野

婆田羅實似歌畢佗實似鰐魚美人酒美人口

造之一宿而成

外史氏曰余讀禪史有載真臘者言其國極富
貴不通中國心竊疑之乃今觀周達觀記可異
焉其所領聚落至六千餘地方亦不下七千餘
里自漢以來朝貢不絕華風所被其殆有向化
之心乎至辨盜辨訟事誕謾不可信然書所載
西南諸國亦徃徃有之又非特真臘矣

瓜哇

瓜哇漢晉以前未聞唐為訶陵宋為闍婆元以後為瓜哇東抵古女人國西抵三佛齊南抵古大食國北抵占城所屬有蘇吉丹打板打網底勿等國其地在海外為東南諸番之衝自泉南登舟道必經占城唐貞觀中貢金花等物至上元間女王悉莫威令嚴肅道不舉遺大食君聞之置金其郊三年無敢取者太子過之以足躡

其金悉莫怒將斬之群臣為請悉莫曰罪本于
足可斷趾群臣復為請乃斬指以徇大食聞而
畏之不敢加兵大曆中使者三至元和中獻五
色鸚鵡頻伽烏咸通中獻女樂又獻金花帳温
凉床龍鱗席鳳毛褥玉髓香瓊膏乳宣宗陳之
以迎伏骨自後罕通焉宋元嘉中復通中國後
絕淳化初國王木羅茶遣使貢方物詔賜金幣
甚厚又請良馬戎具從之大觀以後朝貢不絕

尋以南郊事授中國官職封闍婆國王食邑二千餘戶自是每遇大禮輒加闍婆王官邑以為常矣元至元中詔史弼高與等征爪哇水陸並進會船中無水海水鹹不可食士飢渴死史高拜天祝之尋以鎗插海灘中清泉涌出因名聖水遂大奮擊殺傷甚衆尋諭降之至我朝其國分東西二王洪武三年王昔里八達刺遣八的占必奉金葉表貢方物及黑奴三百人納元

所授宣勅已而殺我使之往三伏齊者置不問
十三年復遣使入貢 上遣還 詔諭責王絕
其使永樂三年東王孛人之達哈遣使請印與
之五年西王都馬祓滅東王時我使過東王城
西王殺我百七十人後俱遣使謝罪 勅令償
死者黃金六萬兩已而遣使貢萬兩 上曰朕
利金耶令遠人知畏爾蠲其金 賜鈔幣十六
年西王楊維西沙獻白鸚鵡 正統八年 令三

年一貢其地無霜雪四時常熱王居不甚麗民
用茅茨國有四鄉王無常居往來其間一曰杜
袞約千餘家二人為長一曰新村原沙灘地中
國人居之遂成村落村主廣東人番舶貿易民
甚殷富半日至淡水港一曰蘇魯馬益自淡水
至此二十餘里亦有村主港傍大洲林木蔚茂
有長尾猿數万惟一老雄猴為主一老番婦人
倚其傍凡婦人求嗣者以酒肉餅果禱老猴老

猴喜則先食其物衆猴隨分食之尋有雌雄二
猴前來交感為驗此婦歸家即有孕否則無孕
又能作禍故人家家多備物祭之世傳唐時有某
家人男婦五百口恣行兇惡忽一日有僧至其
家取水喫之五百人俱化為猴惟一老嫗未化
今舊宅猶存亦竒事也一曰溝者伯夷自燕魯
馬益至此百餘里民數百家有頭目七八人輔
其主云四鄉中有西番胡人唐人土人之種胡

人久居服食雅潔唐人尚回回教持齋受戒土
人有名無姓獠頭赤脚顏色黝黑好聞信鬼無
几榻匙筯啖食蛇蟻虫蚓與犬豕同寢食刑無
鞭朴罪輕者許以物贖重者藤繫殺之市用中
國古錢量衝重于中國民不為盜道不拾遺諺
云太平閹婆是也書同瑣里無紙筆惟以尖刀
刻菱董葉上亦有字法病不服藥但禱神求伏
人死不朽有水葬火葬犬葬惟死者所歆女人

有毒中國人與之交則若瘡或至死若涎液著
草木即枯其俗四季每月望夜前後畚婦數十
人聚衆成隊一婦為首衆婦隨行月下首婦唱
則衆婦皆和至親友富貴家則贈以錢帛等物
每十月有竹槍會其國王及妃各乘一車至會
所令男子二人為偶各執竹槍妻各執短木列
其旁及交敵三合妻各以短木隔之曰那刺那
刺則退設中槍死王令勝者與死者金錢一個

死者妻即隨勝者而去舊傳鬼子魔于此地與
一罔象相合生子百餘啖人血肉一日雷震石
裂中坐一人衆異之奉為國主即領兵驅逐罔
象而不為害其國之移文後書一千三百七十
六年考之乃漢初時也其旁為蘇吉丹國裸躄
跣足俗甚醜惡其東則女人國又東則尾閭之
所洩非人世矣亦有飛頭食人者衆共祠之名
曰垂落因號落民地自閩泉州發舟一月可至

其山川鸚鵡山八節澗其產有綵鳩綠鳩紅白
鸚鵡倒挂白鹿白猿白猴柳極蚕吉柿蝦蟇丹
鹽之屬

外史氏曰悉莫威一女子耳南面稱王而令行
禁止至使道遺金三年而無敢收者革面之化
可謂甚盛然斷太子之指而不少假借法行自
近豈不信乎

成祖初興邀殺我使假令當時以犁庭之威加

此么麼小醜何所不糜爛也者而罪止罰金且
却之曰令遠人知畏也大哉 王言不殖貨財
不勤遠畧至今數百年間戎心自戢好音是懷
其所觀感有自來矣

其後...
 其後...
 其後...
 其後...
 其後...

外史...
 其後...
 不...
 其後...
 其後...

暹羅

暹羅本暹與羅斛二國暹為漢赤眉遺種土瘠
不宜耕種羅斛土腴多穫暹人歲仰給焉元至
正間暹為羅斛所併乃合為一國成宗元貞元
年進金字表款元遣使至其國比至元使已先
遣矣大德初暹國主上言其父在時朝廷嘗賜
鞍轡白馬金縷衣乞循舊例詔予金縷衣不予
馬我朝洪武初遣大理間良輔往諭之國

王崇烈昭昆牙遣使朝貢併獻地圖 詔賜印
誥大統曆永樂初來貢 賜古今列女傳乞量
衡為國中式從之頃之其國使與琉球修好舟
被風漂至福建布政司籍記船物請命 上曰
番邦修好美事也柰何利其物令布政司給谷
食之仍為修理其舟遣還暹人感甚自是朝貢
不絕而我亦輒遣使封其嗣王成化間國王遣
美亞入貢美亞乃汀州人謝文彬因販鹽至暹

羅更名而仕其國者嘗至南京織殊色錦綺貿
易番貨加靖中國王貢白象及方物隆慶時為
東牛國所攻失所 賜印信奏請另給禮部議
往彼國取印篆字樣并精通番字人員赴京教
習後使來遂 賜冠服留教習萬曆二十年九
月經畧侍郎宋應昌奏暹羅國正使握扒喇等
愿督兵蕩倭巢 詔行兩廣總督遣官往諭
朝廷德意益至今朝貢不絕云其國由廣東香

山登舟順風四十日可至遇東風舟狹可登岸
若飄至萬里石塘山則十無一存矣故彼來貢
必五六月南風比去則用十一月北風過此
則不敢行矣王宮殿壯麗民樓居上聯檣柳片
或陶瓦覆之坐卧即于樓上藉以毡及藤席無
牀几王留髮臣及庶民俱剪髮婦人留髮粧髻
于後無姓有名為官者稱偃某為民上者稱柰
某最下者稱隘某有鳥塋火塋水塋王及貴人

死亦火化以骨塋于塔下貴人亦然小罪枷極
遊市中大罪殺而投之河好誦佛經字皆橫書
橫誦俗頗趨利敬富輕貧言語多類廣東俗浮
澆習水戰好聞喜寇掠市物少則用海貳多則
用銀銀必以玉鈇印為記每百兩入稅六錢方
可通行無印紋即私銀也婦人多智凡事決于
妻妻與中國人交不為禁反以多為榮婚姻用
僧取女紅帖男額氣候常熱無霜雪物產最饒

民多載舟往他國商販所產有金鋼錐薔薇露
羅斛香奇木白鼠奇龜酒之屬

外史氏曰暹羅在東南海中蓋最稱恭順云然
余觀其與琉球脩好自揣不敵誠畏之也舟飄
至閩守臣籍其所有而 聖祖特還其貨且遣
之歸自是畏威懷德輸誠納款者數百年不衰
孰謂夷狄不可以信義服哉

三佛齊

三佛齊即舊港國本南蠻別種又名淳林東南
海中大國也居真臘爪哇之間距占城五日耳
所管十五州所屬有單馬令凌牙斯蓬豐登牙
儂細蘭等國國王號啓卑其人多姓蒲唐天祐
初始通中國宋建隆初國王悉利胡大霞里檀
嘗遣使入貢淳熙乾道間貢不絕元世祖遣使
招之不至我朝洪武時國王怛麻沙那三遣

使朝貢 賜大統曆文幣怛麻沙那死 賜王

子麻那者巫里三佛齊國王印有廣東陳祖義

者脫罪避居其國久之得為將領暴掠番商永

樂中太監鄭和至三佛齊祖義鄉人施進訴於

和和擒祖義獻俘 闕下以進代之進沒女二

姐嗣嘉靖四十一年廣東大盜張璉林朝曦黃

啟存等築城紀元建官 上命都督劉顯俞大

猷往剿之以捷聞萬曆五年中國人有至三佛

齊者歸言見璉等列肆為番舶長泉漳人多主
之如中國市舶官體統語具續文獻通考中其
地自廣州發舟南行半月可至自泉州行月餘
可至番舶輻輳土沃宜稼穡諺云一季種谷三
季生金言米谷盛而為金也習水戰遇敵敢死
鄰國畏之水多土少惟將領陸居民率架筏水
中不輸租賦有事隨時調發語言如瓜哇市用
錢布并燒煉五色珠字用梵書以其王指環為

印王出入乘船身纏花布衛以金鏢俗稱王為
龍精不火食食則大荒不水浴浴則大潦惟食
沙糊浴薔薇露而已舊傳其國地面忽然穴出
生牛數萬人取食之後用竹木窒其穴乃絕其
貢物有水晶火油象牙乳香薔薇萬年惠偏朴
白砂糖水晶指環琉璃瓶珊瑚樹崑崙奴崑崙
奴者能踏曲為樂者也

外史氏曰邈來海濱亡命多入于夷其機巧變

詐足以聳動夷人而得其用若陳祖彖施進其
彰彰較著者也嘗聞中國之人自夷歸者莫不
津津以為樂土夫孰知非勾引之意耶彼其于
中國之虛實知之稔矣今日勾華而入于夷他
日必且勾夷而入于華邊徼之患將有不可勝
言者是以六經之治貴于未亂可不慎哉

印五出八... 布術以全錄俗稱王為

... 則大潦惟會

... 穴出

... 乾

... 入

... 其

... 不

... 實

蒲刺加

蒲刺加國傍海距三佛齊十日山獠人少服屬
暹羅歲輸金四十兩以為常我朝永樂三年
王西利八兒速刺遣人朝貢七年遣太監鄭和
賜印誥封為王暹羅自是不敢復擾云九年嗣
王拜里迷蘓刺率其妃子及陪臣五百四十人
來朝上御奉天門宴王賜王并王妃及子
侄賞各有差十二年拜里迷蘓刺死王子毋幹

撒于的兒沙來告

詔令嗣封宣德天順成化

間朝貢不絕成化末給事中林榮行人黃乾亨
奉使冊封其王溺海死其地瘠鹵舊名五舉俗
淳朴尚回回教王白布纏頭身穿細花番布如
袍出入乘轎男方帕包頭女人撮髻腦後身膚
黑如漆間有白者唐人種也民舍如暹羅婚喪
大顛爪哇地瘠少牧人以魚蚌為業國有一山
泉成溪民從溪中淘沙取錫煎銷成塊及織菱

葦簞以通市有龜龍四足長牙噬人又有黑虎
能變人形入市其山鎮國西山其產火鷄黑熊
黑猿白麂波羅密做打麻艾葦簞靛黧沙孤樹
之屬

外史氏曰余嘗橫襟而觀前代之君疲敝中國
以事遠夷至于兵革相連禍亂相尋而猶不知
止也然而重譯稽顙之風邈焉罕聞子輿氏曰
以力服人者未有能服人者也旨哉言乎 明

興德化淪浹旁盜四塞舉光天海隅雕題鑿齒
之衆被髮左衽之鄉曩日諸君之所不能致者
無不遵道遵路罔敢二心如討來思哈兒密刺
撒唄喃諸國可教也乃滿刺加處極南之地視
諸夷尤遠而携其妻子觀光上國不事干戈而
寓內熙靖嗚呼盛矣

討來思

討來思古赤土國也隋煬帝大業三年遣屯田
主事常駿虞部主事王君政賞物五千段賜赤
土王駿等至界其王遣婆羅門鳩摩羅以舶三
十艘來迎吹蠡擊鼓為樂更進金鑠以纜船禮
待甚恭至王宮駿等奉詔書上閣王以下皆坐
宣詔訖引駿等坐奏天竺樂事畢駿等遣婆羅
門就館送食以草葉為盤具大方丈因謂駿曰

今是大國臣非復赤土國矣後數日請駿等入
宴儀衛導從如初王前設兩床床上並設草葉
盤方一丈五尺食百餘品延駿升床從者席地
各以金鍾置酒女樂迭奏禮遺甚厚遣那邪迦
隨貢方物并獻金芙蓉冠龍腦香以鑄金為多
羅葉隱起成父以為表金函封之令婆羅門以
香花奏蠡鼓而送之駿與那邪迦歸報帝大悅
授駿等執戟都尉那邪迦等賞各有差以後不

通中國我朝更名討來思宣德六年遣人朝
貢其國近山山下有水赤色望之如火杜氏通
典載其王姓瞿曇氏俗皆穿耳剪髮無跪拜禮
以香油塗身尚釋敬佛教重婆羅門婦人作髻
于頂後富家之室恣意華美唯金鑲非王賜不
得服用男子既娶即分財別居唯幼子與父同
處俗用火葬冬夏常濕雨多霽少其產甘蔗酒
龍腦香之屬

<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>	<p>言其德也 言其德也 言其德也 言其德也 言其德也</p>
---	---	---	---	---	---	---	---	---

沙哈魯

沙哈魯古投和國隋以前無聞唐貞觀中遣使奉表盛以金函又獻金盃金鎮寶帶犀象海物等數十品自後遂不相通我朝更名沙哈魯永樂間來貢者七十七人其地物產豐饒覆屋以瓦城內有王宮室城外人居可萬餘家王宿衛之士百餘人官屬有將軍功曹叅軍州郡縣等官刑訟盜賊多者死輕者穿耳鼻及鑽鬚私

沙哈魯
四三
鑄銀錢者截其腕國無賦稅唯隨意貢奉不拘
限數以農商為業淳而恥鬪國人乘象及馬一
國之中馬不過千匹但無駃騠唯以繩穿頸為
節制音樂則吹蠡擊鼓死喪則祠祀哭泣又焚
屍以麗盛之沈于水中若父母之喪則截髮為
孝所用銀錢小如榆莢有佛道有學校文字與
中夏不同物產甚多交易海中諸國西域賈胡
輒以廉價得奇貨云

答兒密

答兒密古名丹眉流自古不通中國宋咸平初
國主多須機始遣使來貢木香鑰鑞胡黃連紫
銇紅瓊花布蘇木象牙等物召見崇德殿賜冠
帶服物又賜多須機詔書戒朝永樂中遣使
十八人來貢方物詔優禮之其俗以板為屋
跣足衣布無紳帶以白紵纏其首貿易以金銀
其主所居廣袤五里無城郭出則乘象刑用篋

巴喇西

巴喇西國在南海甚遠我朝正德辛未年遣使沙地白入貢在洋舶行凡四年半被風飄至西瀾海向舶壞唯存一脚艇又八日至得吉零國又至秘得乃遵陸行二十六日至暹羅附番人柰林船入廣其所貢木匣六枚內金葉表文祖母綠一塊珊瑚四株琉璃瓶四把玻璃盞四個及瑪瑙珠胡黑丹等物

同又... 萬曆... 萬曆... 萬曆...

... 萬曆... 萬曆... 萬曆...

入秦林... 萬曆... 萬曆... 萬曆...

... 萬曆... 萬曆... 萬曆...

... 萬曆... 萬曆... 萬曆...

... 萬曆... 萬曆... 萬曆...

... 萬曆... 萬曆... 萬曆...

巴陳西

交欄山

交欄山小國元時高興史弼徃闍婆國遭風至
其山下有病卒百餘留居其地生育至今皆其
裔也我朝永樂中鄭和至其地米穀稀少射
獵為業男女椎髻短衫其產有豹熊五色絹銅
器青碗之屬

交隲山

嶽之業界女林善狀行其意有陽氣之已融融
喬也然 陳不無中曠味至其地未幾命少棟
其山下有麻卒百餘留居其地土育至今皆其
交隲山小園云却高與史濟山關麥園遺風至
交隲山

大暎喃

大暎喃小國也洪武初國王遣使入貢風俗醇
朴男女俱纏頭長衫產青白磁器為佳

休與女與驪頭身夕豈青白絲器器金

大與南小圖也與海沙國王盡射入黃風外朝

大與南

小唎喃

小唎喃小國也永樂七年太監鄭和至其國國王遣使來貢其地田瘠而穀少歲食榜葛刺米男少女多所用金錢其產有麝香胡椒波羅密之屬

其國

之圖

男少女多不用金鎔其數本穰香附林茂華谷
王盡軒來貢其地田畝而豫必滋食穀膏陳未
小與蘭小園也采樂之羊大盤噴味至其園園

小與蘭

刺撒

刺撒小國其地傍海不生草木田瘠少收有麥
歷年無雨鑿井絞車以羊皮袋水壘石為城屋
男女拳髮長衫婦人裝點兜頭略與魯忽謨斯
同其產有龍涎乳香駱駝磁器我朝永樂中
鄭和曾至其國

讀時曾至其園

同其重有晴雲原香嶺
 樹影深 曉水樂中
 男女奉饗身沐教人
 崇熙樂麗和與魯急
 驚散
 懸平無雨變井
 幾車以羊其奈水
 壘可憐如
 陣謝小園其地
 新移不生草木
 田菑必外
 有麥

陣謝

馬八兒諸國

馬八兒在南海中南海諸番惟馬八兒與俱藍
足以綱領諸國而馬八兒最大自閩泉州至其
國約十萬里元世祖至元間唆都等奉璽書招
諭諸番占城馬八兒俱奉表稱藩獨俱藍諸國
未下十六年遣廣東招討司楊廷璧往招俱藍
其國主必納的即書降表附廷璧以進言來歲
遣使入貢尋即遣使與廷璧再往宰相馬因的

與不阿里屏人謂廷壁我一心願為朝廷奴使
札馬里丁入朝我大必闍赤赴莫彈告變莫彈
藉我金銀田產妻孥又欲殺我我詭辭得免今
算彈兄弟五人聚議與俱藍交兵此間諸國皆
有降心若馬八兒既下我使人持書招之可使
盡降莫彈華言國主也廷壁還以聞即復遣廷
壁往十九年抵俱藍國主及其相馬合麻等迎
拜璽書隨遣使入貢俱藍既下餘諸國曰馬八

兎曰須門那曰僧急里曰南無力曰馬藍丹曰
那旺曰丁呵兎曰來耒曰急蘭亦解曰蘓木都
刺皆遣使貢方物

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------

賓童龍國

賓童龍小國也隸占城其地有雙澗水極澄清
佛書所云舍衛乞食即此也目連所居遺址尚
存人物風土草木氣候與占城畧同惟喪事能
持孝服設佛以度死者其王則占城選人為之
王出入乘象馬張紅傘從者百人歲貢方物于
占城有尸致魚為害視占城尤慘民多置廟牲
血祭之其產有奇楠香象牙貨用金銀花布之

屬

之其武亦皆備皆象未會用金雞芥亦之

古無休天楚氣亦皆歸古無亦無列委置而耕

王山人乘象其象瑞傘於皆百人舉貢古勝于

奇孝思若物以夷既皆其王限古無聖人勝之

林人勝風生草木原野與古無畧同野野事始

耕書何云舍備之會明地也日製何也盡其尚

齊重歸小國也歸古無其與有變歸小歸登前

齊重歸圖

重迦羅

重迦羅與瓜哇相接高山竒秀有一石洞前後
三門可容一二萬人田谷氣候與瓜哇畧同風
俗頗淳國無酋長推年高有德者主之風俗頗
淳煮海為鹽釀秫為酒地產羚羊鸚鵡木綿椰
子綿紗貨用銀花絹又去數程曰孫陀羅琵琶
拖曰丹重曰圓嶠曰彭里不事耕作專尚寇掠
與吉陀崎諸國相通商舶少至焉